

# Azadîa rastî çi ye?

Babê min miruvekî “xwê” u “runahî” ye. Her dem ew hêş Xwidê dîkî u xizmeta xelkê daî ye. Ew guhê xu didite fermanê Xwidê u wan nîşa me (biçîkê wî). Jî u peyvê wî nîşa me dit çî li dilê wî bî. Rojekê wextê ew dimirit u diçite biheşt Xwidê, Çêkir u Dadkarê wî dê bêjit wî: “Te karek baş kirî ye, ey xulamê qenc.”

Di demê nivîsandina vê jimara “Jîn”, tengavîek bu mala min çê bî: ji nîşke kê ve u gelek zî sehetê babê min xirab bî. Dest u pê wî yê rastê niv şelelê girtin u axiftina wî u hizira wî ne zelal bîn. Me gut belkî celta mejî heye u me bawer kir ew hêş dê nexuştir bit. Temenê babê min 69 sal e, bes tebî’î gelek bi qowet bî u zîrek bî u sehetê wî baş bî. Li wî demê wî ne şîa timbêlê bihajat, ne şîa şul bikî u ne şîa baş bixivit. Wî ne şîa xizmeta xelkê bikî; belê miruvê wî u hevalê wî pêtivî bîn xizmeta wî bikin. Çunku behira pitir ji azadîa wî ne ma.

Deyk u babê min çûn def rêberê dêra xu. Rêbera du’a bu qencbûna babê min bi navê Dixturê Mezin (Îsaê Mesîh) kir.

Dumahîkê deyka min babê min bir xestê u dixtura brîar dan ‘emeliata mejî bu babê min bikin. We dîar e ji berî dû heyva bi xeletî ve li tiştê req hîl li serê xu da u di jur ve birrî hîta xwîn deh ji seda mejî wî girêda. U ji ber hindê dest u pê wî yê rastê şelel girtin u axiftina wî ne zelal bî. Nuke em supasîa Xwidê dikîn, ‘emeliat serkeft u babê min

qenc bî. U wextê ji pencê rabî, yarî gel sister u mizemida kir!☺

Ewîlî min u mala xu bawer dikir babê min dê mirit yan da bi sehetê xirab jît. Belê me bu wî du’a kir u bi çakî u diluvani ya Xwidê u bi destê dixtura, Xwidê dîarîet sehetê baş u azadîe da babê min ve.☺ U demê nêzikî ew carek dî dê şet xizmeta miruva bikî u karê xu bikî u bizava xu bizivirrite ve.

Jîana te wek zirufîe ya babê min e. Li sala 1991 dîarîa azadîa siyasê bu we hate dan u hîta nuke hîn di wê azadîe dane. Hîn sîstema zanîne yê digihurin. We internet u mobayl înan bajêr u gundê xu. Xwendikarê we çûn derveî welatî da bixwînin. Hindek ji malê we yan miruvê we mihacir bîn derveî welatî u tama dîmokrasiya welatê Rojava kir. Belê, hindek ji we cinsîet wan welata bu xu wergirtin.

Hîn azadîe bi çend şikila hatin dan. Ka em bi wê azadîa Xwidê daî me çawa kar pê tînin? Bu armanceka baş, anjî armanceka xirab?

Bîne bîra xu:

“Ew kesê gelek wergirtî dê gelek jê ête xwastin, belê yê gelek zîrek u wergirtî li def bite danan dê pitir jê ête xwastin.” - Îsa (Mizgînîa Luqî 12:48b)